



*Palatinus Tomeraniensis*

*Vicisportensis Ambrosii: Sacra fides ac*

*sanctissima Donhoffiana domus - vici -*

PANEG. et VITAE  
Polon. Fol.

*Nº 229.*



STATE OF CALIFORNIA  
JAN 18 1880  
11



# SACRA

ILLVSTRISSIMÆ ac INCLYTISSIMÆ  
DONHOFFIANÆ

DOMVS.

RELIGIONI, FORTITVDINI,  
VICTORIÆ, GLORIÆ.

EX APROGENTILITIO

VICTIMA.

IN

*Illustissimo, & Excellentissimo Domino*

D. VLADISLAO  
DONHOFF,

PALATINO POMERANIÆ,

Post Vienenfes Victorias in Austria, ad Cannas

Strigonienses in Pannonia

Contra Tyrannos Orientis

Heroa Fortitudine, vsq; ad supremum Sanguinis,

Vitæq; Libamen Pugnante;

Dum illi Anno 1684. Die 6. Martij,

In Clari Montis Czeschoouiensis Basilica, Fratrum Ordinis

S. PAULI Primi Eremitæ,

Funebri Honor persolueretur,

Ibidemq; in Augusto Donhoffianæ Domus Sacello illi-

us corporis Exuviae condirentur,

EXHIBITA.

*Superiorum Permissu,*

Per Fratrem AMBROSIVM NIESZPORKOWITZ Ordinis

S. Pauli Primi Eremitæ Professum.

CRACOVIAE,

Ex Officina FRANCISCI CEZARY, S. R. M. Illustriss. ac Rndiss. Dñi. Epi-  
scopi Crac. Ducis Seueriæ, Nechon Schol. Nouodvorsc. Typogr.



STEMMA  
ILLUSTRISSIMÆ  
DONHOFFIÆ DOMVS.



Aucto mox Imperio, propagatisque finibus, quin-  
que signa ex ærario depromi, & militum acies,  
ac legiones præire assuérant. Hæc fuerunt:  
Aquilæ, Lupi, Minotauri, Equi, & APRI si-  
mulacra, quibus præeuntibus legiones educere,  
& ferro decernere mos erat: inter quæ APRI  
effigiem qui tum tenuisse locum accepimus. *Ale-*  
*xander ab Alexandro Genialium Dierum Lib. 4. cap. 2.*



*Illustrissimo, ac Reuerendissimo Domino,*  
**D. GEORGIO ALBRACHTO**  
**DONHOFF,**

Abbati Vitouienſi, Canonico Cracouienſi,  
Præpoſito Petricouienſi,

Domino, ac Patrono Colendiſſimo.

*Vitam, & Felicitatem.*



*D* Te ſacratioris Eloquentiæ Periclem hoc rudioris calami, dicatum Honori Illuſtriſſimæ Domûs Tuæ fero obſequium, Illuſtriſſime, ac Reuerendiſſimæ Domine. Tenuitate ſua repulſam mereri poſſet, niſi illi grauiſſimum pondus, & momentum adderent ingentia Illuſtriſſimæ Domûs Decora, quæ in hoc paginæ pallentis campo, & in ſepiæ umbris illuſtriſſima, gloriæ meridiem explicando, luore læcutientes inuidiæ oculos perſtringunt & Illuſtriſſimorum Heredum cunas, per tot ætatum proſectus in ſplendoribus Regum Principum, ac Illuſtriſſimarum cognationis vinculis colligatarum Familiarum fundatas demonſtrant. Nouerit hinc Orbis Donhoffios quâ ſint ab origine nati, qui licet in auge gloriæ conſtituti, nondum tamen Heroicis Virtutibus, trophæisque eandem propagare deſinunt. Hoc patet non tantum Orbi Sarmatico, ſed vniuerſo in Illuſtriſſimo & Excellentiſſimo Domino VLADISLAO DONHOFF Palatino Pomeraniæ, qui ſeuerus emptor gloriæ, vitam dedit. Amaſti Virtutes eius Heroicas dum viueret, nequæ hic inſinuatæ reprobabis, ubi quamuis impari percenſeantur Panegyri, adhuc eſſe Tibi dilecta non deſinunt. Hinc addidiſti ingentes curas ad ſolemne illius funeris Honorem, in cuius auguſta pompa cum tot Illuſtriſſimos ex v-



traquè Republica Comites habeas, nec meum in hoc obsequio  
studium improbasti. Exigebant hoc merita Illustrissimæ Do-  
mūs Tuæ erga meum Ordinem, Montemquè Clarum, & meus  
in Illustrissimæ, ac Reuerendissimæ Dominationis Vestræ Ho-  
norem animus propensior, quem ad Tuæ Virtutis cultum bene-  
uolentià deuinxisti. Faue ergo pronioribus meis in Tuam Ve-  
nerationem conatibus, & hoc obsequium suscipe, in cuius patro-  
cinio, & acceptance Superum imitaberis naturam, quæ à mi-  
nimis quoquè coli non dedignatur. Hoc exoro

Illustrissimæ, ac Reuerendissimæ  
Dominationi Tuæ,

Honoris Studiosissimus,

Frater AMBROSIVS NIESZPORKOWITZ,  
Ord. S. Pauli Primi Eremitæ Professor.





SACRA,  
 ILLUSTRISSIMÆ ac INCLYTISSIMÆ  
 DONHOFFIANÆ  
 DOMVS,  
 Religioni, Fortitudini, Victoriæ,  
 Gloriæ,  
 VICTIMA.

**Q**ui Virtuti Gloriæq; à Maioribus  
 per sanguinis inclyti ad Nepotes propagationem  
 deductæ, metas, limitesque auderet præfigere, pu-  
 dendam indoli generosæ ignaviæ plagam, ac la-  
 bem infligeret. Nescit illa Columnas Herculis, quæ suo  
*Non plus ultra*, magnanimitati heredum terminos metari  
 possent, cum eò liberiùs ampliora sibi theatra pandat, quò  
 angustioribus inuidiæ, fortunæ, vitæq; cancellis definitur.  
 Hæc est sterilitatis ignara illius fecunditas, quæ meritorum  
 prouentus, non tantum ad orbis spatia, terris, ac oceano  
 dirempta, protendit, verum ad temporum, seculorumq; cur-  
 sum, ac demum æternitatis possessionem exonerat; neq;  
 enim eò usq; processit in maioribus absoluta Virtutis &  
 Gloriæ magnitudo, vt debitorum à successoribus incremen-  
 torum incapax, ad ignaum otium crescendi damnata, hîc  
 subsistere deberet, vbi per generosæ stirpis laborem inde-  
 fessum magnis procedere passibus laudandam imponit ne-  
 cessitatem. Scilicet hæc est illius natura, ibi in nepoti-  
 bus cursum ordiri vbi maiores communibus fatis cedentes,  
 vitâ, virtutibusq; defuncti, desierunt, qui tanquam emeri-  
 tæ gloriæ Duces, & Antesignani, pulchra exemplorum si-  
 gnando vestigia, præiuerunt. Si quæ Virtutis, Gloriæq;  
 Heres, æterna Domus. illustriora in Vniuersum propè or-  
 bem explicat Decora ad imitationem, certè Vestra Illu-  
 strissimi DONHOFFIÆ DOMVS Heredes, quorum  
 primæ originis sanguinem in Hispaniæ, Arragoniæ, Portu-  
 galliæ, Castiliæq; Regum solijs orbis adorauit. Cum e-  
 nim ANFERHORBS Hispaniæ Rex per Feciales Arra-  
 goniæ Regi bellum ingens indixisset, VERONA Arrago-  
 niæ Regina, fatis concedente Rege, aciem instruit; acri-

*Nolimberg.  
 in Symbolis  
 Portugalliæ,  
 & Regum  
 Arragon.*



minùs tamen propitio, martè dimicat: nam cæso profligatoq; exercitu captiua, in deserto immanes inter belluas ad truncum religatur, prædæ ferarum exposita. Egebat fortitudinis inuictæ vindice, & cæsi exercitûs injuria, & Reginae contumelia. Vnum tot malorum, quæ Regnum, Reginamq; premebant, præordinauit Diuinum Numen Heroem **DONHOFFIVM**, qui coactis tumultuariè copijs, per auia festinato itinere opem libertatemq; Regnâ laturus, approperat; immani Apro, qui Veronæ periculo imminebat, inuicta manu caput amputat, captiuam soluit, throno, Regnoq; restituit, rara felicitate, rariore fortitudinis exemplo, præcipiti victoria Hispanorum exercitus persequitur, profligat, cædit, demum omnium suffragijs, votisque, Hispaniæ, Arragoniæ, Portugalliæ, & Castiliæ Rex inauguratus, orba Regibus occupat solia, Regiæ propaginis gloriam in throno orditus, ad hanc in feris Nepotibus transmisit ætatem. Quo aliorum ambitiosa non peruasertunt vota, aut se se exporrigere non potuerunt desideria, palmaris Diuinæ Fortitudinis Victoria **DONHOFFIAM** stirpem, per orbem Regio propagandam sanguine, collocauit, & quasi vnum tanto Magnanimitatis, ac Fortitudinis merito, impar esset, quadruplici eam Diademate manus Diuina coronauit. Hic sublimatam in Regum solijs, coronatamq; viuam Religionis Imaginem spectare licet. Quid enim ad Regiæ gloriæ partem vsurpatus Regibus Hispaniæ **CHRISTIANISSIMI** titulus denotat, nisi Religionis erga **DEVM**, Ecclesiam, Sacra; omnia, monumentum, quo Reges, Regna, populiq; consecrantur, firmantur solia, auctorantur exercitus, illustrantur Familiæ, euentus rerum felicitantur, omnia demum ad suæ perfectionis, ac beatitatis possessionem consequendam initiantur. Ideò **CHRISTIANISSIMI**, quod sub dominatu suo neminem patiantur, qui extra fidem, & Ecclesiam constitutus, contra fidem Ecclesiamq; hostilitatem profiteretur. Præiuit Exemplo **DONHOFFIORVM** sanguis Illustrissimus, vt processu temporum Regibus Regnisq; Hispaniæ probrum sit quàm maximum, in suis ditionibus illis fauorem exhibere, qui rei Christianæ odium professi probantur. Hinc Sacri Concilij Tolentani statutum est: *Hispaniarum Reges ne Regiam sedem conscendant, priusquam inter reliqua Sacramenta jurent se nulum non Catholicum permissuros in suo regno degere.*

Concilium  
Tolentanum.

Non tantum sub Coronis Regû, at sub triplici quoq; summi Pontificatus tiara **DONHOFFIANAM** consedissee Religio.



ligionem ille dubitabit, qui Principum **FRANCONIÆ**  
 Sanguinem, congenerem, cognatumque **DONHOFFI-**  
**IS** ignorat. Viuis excessit Nicolaus Secundus summus in  
 terris Christi Vicarius. Ambitionibus, Votisque in di-  
 uersa tractis. Ecclesiæ malacia confundi, conuelli que coepit;  
 ille quærandus tantæ sufferendæ molî Sanctior Atlas fuit,  
 quem innocentis vitæ meritum, summæ Prudentiæ laus,  
 alijs non comparandæ Religionis gloria, sollicitudinis, ac  
 vigilantia studio; omnium denique Pastoralium Virtutum  
 Comitia, suffragijs ad summum Pontificatûs supremi api-  
 cem promoueret. Virum cœlo destinatum, missumque pu-  
 tauit Ecclesia, **ANSELMVM** Patriâ Mediolanensem, ex  
 Illustrissima Ducum **FRANCONIÆ** Familia, Episcopum  
 Lucensem, qui summi Pontificatûs Infulis admotus, ac  
**ALEXANDER** Secundus appellatus, sanctitatis, ac mira-  
 culorum gloriâ illustris, Pontificales cathedras absolutis-  
 simis consecrauit, coronauitque Virtutibus, ipse terror  
 dæmonum, ægrorumque salus, nam ex hominum corpo-  
 ribus infestis, possessisque profligat dæmonia; illis despe-  
 ratissimas ægrotudines persanat vndis, quibus rem Diui-  
 nam ad Aram facturum, manus abluebat. Nonne hic sub  
 Regum Diadematibus, sub potestatis DEI in terris vicariæ  
 infulis, Donhoffiana triumphat Religio, quæ nec in terra-  
 rum dominijs tolerat hostes fidei, nec in corporum hospi-  
 tijs principum tenebrarum imperia, nec arumnosos ægri-  
 tudinum labores, doloresque patitur. Compari, Donhof-  
 fianæ Domûs Heredes Illustrissimi, Religione, Zeloque ad  
 fidei Ecclesiæque promotionem, ac propugnationem inten-  
 dunt, ad eliminandum è Regno, quidquid erga Deum,  
 Fidem, & Ecclesiam, hostilitatem proficitur. Hæc Domus  
 Religionis plena insignibus, quæ monstra non generat, nec  
 fouet abortiuos partus; aut si quid informe tolerat, pati-  
 turque ad formandum, informandumque; Fidei dogmatibus  
 indefessis studiis adlaborat. Quis non dicat **DONHOFF-**  
**FIANÆ** Religionis thaumaturgam virtutem, quæ Pro-  
 uincias repurgat monstris, aut Diuina quadam metamor-  
 phosi monstra transformat in homines, ex Franco-  
 nia in Liuoniam ducens colonias, cum **MEINHARDO**,  
 primò Liuorum Apostolo, qui Paganismi erroribus, ac te-  
 nebris inuolutos, ad Fidei lucem, Christianorumque dogma-  
 tam regulam, & instituta deduxit, ac è seruitute dæmo-  
 num, ad Christianam libertatem asseruit. Viuunt in Prusso-  
 rum, ac Liuonum Annalibus, tantæ Religionis, Zeli; Fi-  
 deique monumenta, quæ perennem merita famam continua

Platina in  
 Alexan. 119



successione in posteris ad exemplum, & imitationem trahuntur. Viunt in Illustrissima DONHOFFIANA æternæ gloriæ, laudum, meritorumq; Herede Domo, sub Pontificalibus, ac Abbatialibus infulis, in sublimioribus dignitatum ampliorum curulibus, in toga, sagoque, in castris, ac Senaculis; vbi hic consilijs, illic armis pro Religionis Christianæ re decernitur.

Viunt & in Te, in æternitatis superstes memoria, fatis melioribus admote, Illustrissime ac Excellentissime VLADISLAE DONHOFF Palatine Pomeraniæ, qui posthabitis peregrinæ religionis erroribus, auctoratus Ecclesiæ, Religionis Catholicæ Honorem, verbis, laboribus, fortunis, armis, vitæque ipsius dispendio, fortiter, ac indefinenter asseruisti; huius promouendi Zelus eo Tuam, rei Christianæ bono à coelo formatam & confirmatam, indolem coëgit, vt vitæ, fortunarumque neglectu doceres, quo in pretio, quibus in amoribus Tibi fuerit Catholicæ Fidei integritas, quam diuersis locis, & temporibus, variarum cohortum Præses, & Imperator, in omnibus Serenissimi Regis CASIMIRI, contra varios ferocissimos Fidei Patriæq; hostes, expeditionibus Comes indiuiduus propugnabas, non minus fortis in acie, quam Religiosus in templo. Hinc illa Herois inuictissimi, Senatoris prudentissimi, Catholici religiosissimi, frequentata inuicta deuotio, quæ nullum præterire diem patiebatur, etiam in collapsæ valetudinis ærumna, quem ad Augustissima Sacri Altaris mysteria, rara ad exemplum, & stuporem modestiæ, præsens, religionis, ac deuotionis merito non consecraret. Effulget eximium, quod fama secuturis ad venerationem, ac admirationem transcribit ætatibus, Religionis argumentum, in vindicanda profanatæ sacrilego plebis Gedanensis ausu, Carmelitarum Ecclesiæ, injuria; viuit, viuetq; in famæ perennis præconio Zelus, quo intus perurgente, eò serijs laboribus, tanquam iustus Honoris DEI, Ecclesiæ, Fideiq; Vindex, æquitatis causam deduxit, vt contemptæ religioni iustus honor, æquum damnis ingentibus pretium, meritæ sacrilegis calonibus poenæ, decernerentur. Sed illud supremum est inuictissimi, ac religiosissimi Herois, erga Ecclesiam, Fidem, Sacraq; omnia, propensioris affectus documentum, quòd qui pro religionis aut conseruatione, aut promotione, aut propugnatione, laboribus ardius non pepercit, & fortunis liberalibus, seipsum Religioni consecrauit in victimam. Hinc erigitur DONHOFFIANÆ Religionis

ARA.



# A R A.

Adeste, quos ad Catholicæ Religionis gloriam  
initiauit gratia!  
Hanc Pacis Aram in hostico erectam veneremini;  
Inclytissimæ & Illustrissimæ  
Donhoffiæ Domûs est Ara,  
Quæ cùm Pontificibus, & Regibus Cunas dedit,  
Flamines, & Infulas Sacerdotij Regalis habet.  
*Vbiq; Religionem colit,  
Vbiq; & Aram habet.*  
Sacerdotes habet, & Victimam,  
Illustrissimum ac Excellentissimum Dominum  
**VLADISLAVM DONHOFF**  
Palatinum Pomeraniæ,  
Qui  
Austriacæ, & Pannonicæ Comes Victoriæ,  
Exercituum Domino,  
*Ecclesiæ, Fidei, Religioni, Patriæ, Domui, Victima factus  
Aadhuc calentibus in hac Ara cineribus ardentem  
Zelum fouet,*  
*Qui in successuris Nepotibus erumpet in incendia  
Quibus Ecclesiæ, Religio, Patria illustrabitur.*  
Æternæ Tyrannus administer gloriæ;  
Laureatum Victoriâ Caput abstulit;  
Ne tamen acephalam dicas victimam,  
Gentilis Apri Caput substitutum,  
Religioni Sacrum hoc probat,  
Vnam hanc Domûs Donhoffianæ Sacram Victimam  
Replicatas Hecatombes excedere.  
*Proprio lustratur in cruore.*  
*Ne regnum superum peteret absq; purpura,*  
*Qui se Regiæ stirpis non degenerem ostendit propaginem*  
*Heroa Virtute necessitatem anteuertens.*  
Hoc ante consecrauit, merito, quod aliquando natura extorque-  
re debuit,  
Animum coelo, terræ corporis exuias.  
Hanc Aram Donhoffianus erexit Genius, & ingenium,  
Quod per temporalia fortunarum vitæque dispendia,  
Gloriam æternitatis mercatur.  
*Norunt superi, nouerint & posteri,*  
*Quòd pretiosorem D E O, Ecclesiæ, Religioni, Patriæ,*



*Domuique suæ Donhoffij hæc in Ara dare  
Non possint Victimam quàm seipsos.*

**C**ongenitam Illustrissimæ Donhoffiæ Domûs Religi-  
oni Fortitudinem, cum pridem in Aboriginibus in-  
uictissimis, tum his ætatibus in generosissimis Nepo-  
tibus, Regna & Prouinciæ venerabantur. Etiam hodie illi-  
us magnalia loquuntur vindices temporum Historiæ, quæ  
meritam heroicis actibus famam in æternitatem proro-  
gant. Scilicet & agere, & pati fortia, non tantum Romano-  
rum est; Id ipsum à maioribus accipere laudis patrimoni-  
um Donhoffij, & agere & pati fortia; dum Ecclesiæ, Fidei,  
Patriæque aut propugnandæ, aut exornandæ necessitas; aut  
iustitiæ vindicandæ Zelus, exigebat. Initiauit Honorem  
Fortitudinis, secuturis ad imitationem ætatibus dans exem-  
plum inuictissimi animi *Sirpis Donhoffianæ Princeps*, qui in-  
uicti roboris virtutè non tantum laureas ex Hispanorum e-  
xercituum cladibus, sed Regna, Regumq; Coronas prome-  
ruit. Sago togaq; clarus OTTO Donhoffius Palatinus  
Derpatensis, cum iuuentutem, virilemq; ætatem præcla-  
ris in Martis acie contra Fidei, Patriæq; hostes, facinori-  
bus decorasset, eadem inuicta animi fortitudine, quâ bel-  
li tractabat negotia, pacis ac vnionis moderabatur momen-  
ta, ad Liunioniæ cum Polonia vnionem, quam sua subscripsit  
manu, adlaborando. Fraternam Fortitudinis imitatur in-  
dolem Illustrissimus, quâ generis claritudine, quâ fortiter  
bello, paceque gestorum gloriâ T H E O D O-  
R V S Donhoff Palatinus Vendenſis: qui non tantum  
licentiâ belli superbam, rebellium Polonia Crucigerorum  
potentiam, ingenti fortitudine partis, frequentioribus vi-  
ctorijs domuit, ac infrenauit, verum penitus, in Liunioniæ  
visceribus, non tam liberè, quam licentiosè grassantem, e-  
liminavit. Probauit Donhoffiæ Fortitudinis gloriam &  
H E N R I C V S Donhoff Capitaneus Dinemburgensis, dum  
rem bellicam contra Suecorum exercitum sub Gruneualdo  
fortiter agit Heros magnanimus, pluribus inflictis illorum  
exercitui cladibus, Patriam fortitudinem generoso subscri-  
bens sanguine, victor laureatus occubuit. Leteis indigna  
vorticibus, obliuionis cladem apud posteros non tolerat,  
Tua infracti animi Fortitudo Regnorum Arbiter, Paca-  
torq; E R N E S T E Donhoff Palatine Parnauienſis, studijs  
Belli; Pacisq; Vir inclytissime, qui post tractata apud di-  
uerſos Principes, feliciterq; absoluta Legationum momen-  
ta; post peracta cum Carolo Sudermano Sueciæ Rege ne-  
gotia;

*Okolski Orbis  
Poloni To-  
mo I.*



gotia; post composita, abolitaq; Sueciæ, Poloniæq; Regnorum odia, eadem fortitudine quâ antehac Suecorum sapius arma triumphasti, Tribunus militum, contra Ottomanicam potentiam acriter bellando, illustres reportasti victorias. Viuit in Filijs Tuis idem animi inuictus vigor, quos quemadmodum Sanguinis, ita & Fortitudinis Heredes, relicto amplissimo Virtutum, ac Meritorum patrimonio, reliquisti, FRIDERICO Donhoff Subdapifero Magni Ducatu Lithuanix, quem rara admodum generositas, Generalem Exercitibus Ducis Prussix præfecit; Perennat in magnanimo Sanguinis, Virtutis & Nominis Herede, Illustrissimo Filio ERNESTO Donhoff, qui arduis heroicorum meritorum auctibus, & virtutum bellicarum suffragijs promotus, Castellanus Vilnensis, ac Generalis Germanici Exercitus in Polonia, factus, bellicæ fortitudinis, honorem propagat, vt in bellicorum consiliorum arcanis studijs Heros peritissimus, ita in Fidei, ac Religionis tenendæ, tuendæq; integritate zelosissimus. Nec segnius ad hanc ex rebus fortiter gestis augendam adlaborauit gloriam HERMANNVS Donhoff, cui magnanimitas congenita, à prima ætate cum iuuenilibus annis, Marti, sagoque consecratis, fortitudinem roborabat. Nondum plenos adolescentiæ emensus annos, Turmarum Ductor, veteranorum, in bellicæ virtutis exercitio, exemplum factus, ab Imperatore suo, Magno illo Hectore Poloniæ Zofkieui, Martiæ virtutis testimonium, & elogiû obtinuit; *Vir Fortis, Pignus Martis*, Reipublicæ integritati in Cecorensi clade sanguinem litauit. Hinc Illustrissimam DONHOFFIAM Domum, quendam Equum Troianum, bellicæ virtutis, & Mauortix Fortitudinis imaginem dicere liceat, ex quo tot Heroes, quot successores, non ad funesta Regnorum excidia, sed ad Ecclesiæ, Patriæq; salutem, ac defensionem procedunt. Dulcis est Tui gloriosa recordatio Illustrissime GASPAR Palatine Siradiensis, qui obres bello, paceq; præclare gestas, Serenissimis Poloniæ Regibus SIGISMUNDO, & VLADISLAO maximè charus, eò processisti in Regum ac populorum amoribus, Regum Ephestio, quò alios nec ardua vota, nec aucupatæ gratiæ studia, obsequia, conatusq; poterant promouere. Ad deducendam Reginam Regno Serenissimam CÆCILIAM Renatam, Serenissimo Poloniarum Regi VLADISLAO, cum Illustrissimo, ac Reuerendissimo Ioanne Lipski tunc Episcopo Culmensi, post Archiepiscopo Gnesnensi Ablegatus, summa cum laude, prudentiaq; hoc munere defun-

*Piafecius sub  
Anno 1628.  
Okolski Tomo*

8.



ctus, à FERDINANDO III. Romanorum Imperatore, pro se, successoribusq; suis à se descendantibus, Sacri Romani Imperij Principatus titulum consecutus; ad Reginalis Aulæ Præfecturam admotus, tot Regalium, ac Imperialium amorum, fauorumq; auctibus honoratus, quam ex Aboriginibus bellicæ Fortitudinis gloriam, cum Illustrissimi Sanguinis propagatione, non otiosus virtutis promouendæ heres, per Illustrissima, ac felicissima cum ALEXANDRA Koniecpolska, Magnorum in vtrâq; Republica illorum Virorum, STANISLAI Supremi Exercituum Regni Dictatoris; CHRISTOPHORI Palatini Belzensis; REMIGII Episcopi Culmensis; IOANNIS Palatini Siradiensis, germana Sorore, transfudisti, in Filios, STANISLAVM, SIGISMVNDVM, & ALEXANDRVN, ipsis augusti Nominibus Gloriam, Victoriâ, ac Fortitudinem sonantia; vtriusq; Reipublicæ, Patriæ, & Ecclesiæ ornamenta, ac portenta Heroæ Fortitudinis quæ in arduis Patriæ, Ecclesiæq; negotijs, agendo patiendq; fortia, emeritæ virtutis gloriam, laudemq; consecuti perennant: Illustrissimus STANISLAVS Donhoff Vielunensis, & Radomscensis Capitaneus, admirandæ Vir magnanimitatis, viribus fortunisq; non parcendo, sub Serenissimo VLADISLAVO IV. Felicissimo Poloniæ Rege, ad Sueticum, & Moschouiticum bellum, cohortes militum proprio auctoravit ære, non minus Fortis in adeundis belli periculis, quàm in erogandis ad patriæ Ecclesiæque subsidia, militaribus stipendijs Liberalis, quid generosus illius erga Patriam posset animus, luculentioribus quàm Liberalitatis, quàm Fortitudinis exemplis docuisset, nisi in Varfauiensium Generalium Comitiorum æstu, dum Nuntij terrestres Vielunensis fungeretur officio, præmatura mors, pulchrè per virtutum ac meritorum auctus continuatum vitæ cursum præcidisset. Viuit tamen in Illustrissimo, nec à tam illustri sanguine degenerare, SIGISMVNDV VICTORE Donhoff Succamerario Vielunensi, quem ex Illustrissima Magnarum Virtutum Heroina ANNA Ducissa Radiuilia, Illustrissimi ALEXANDRI Ducis Radiuiliij Mareschalci Magni Ducatus Lithuanie Filia, Illustrissimi MICHAELIS Ducis Radiuiliij, Vicecancellarij M. D. L. ornatissimâ, ac sumptuosissimâ, Viennam ad Romanorum Imperatorem, LEOPOLDVM I. Romamque, ad S. D. N. INNOCENTIVM XI. nuper Legatione, demum & vitâ Bononiæ defuncti, germana Sorore progenuit; ad omnia summa natum vidit Polonus orbis, dum ter exteras  
natio-



nationes visitantem admirabatur, vt quidquid ad Virtutis eruditionem, animiq; culturam excellens, & eximium sub peregrino sole nascitur, ad absolutissima suæ indolis, ac Illustrissimæ Donhoffiæ Domûs ornamenta trahat; videt magis olim profuturam Patriæ, stirpiq; Illustrissimæ, nunc maturam in iuuentute prudentiam, quam Nuntij terrestres Vielunensis officio ter defunctus probauit, adeo præclare terræ Vielunensis momenta pertractando. vt liquidò constaret generosissimam, ac ornatissimam Virtutibus indolem magnis passibus ætatem anteuertere.

Bellacem Fortitudinem, ad Illustrissimæ Donhoffiæ Domûs ornamenta, ac emolumenta Patriæ, quis non venerabundus admirabatur in Illustrissimo SIGISMUNDO Donhoff Bydgoſtensi, Sokalensi, Bolesławienensi, Bohusławienſi, Laſcensi Capitaneo, Sacræ Reginalis Maiestatis Dapum incisore? duram, seueramque sibi necessitatem imposuit sub Serenissimo Poloniæ Rege IOANNE CASIMIRO, nullam pro integritate Patriæ bellandi occasionem intermittere; hinc ad amolienda impendentia Reipublicæ pericula ingentes curæ, decumanorum periculorum contemptus, neglectus otij, ad fouendam Cataphractorum, seu Vſariorum vnam, alteram Germanorum Cohortem, seu vexillum, erogati sumptus, in acie exantlati labores, sub aperto Ioue tolerati æstus, & frigora, sollicitudo irrequies, abundè probauere nihil superfuisse aut à quocquam excogitari potuisse, quod à Ciue sui amantissimo Patria sperare, aut expectare, deberet, cuius indemnitati securitatiq; Serenissimo Rege, totaq; Republica, sub Zorawno periclitante, vt suæ fortunæ dispendijs, vitæq; in summa pericula prostitutæ contemptu, prouideret, pro Obside spontaneus exul, ad Hanum Tartarorum iuit in Chersonesum Tauricam, vbi toleratâ honorificæ captiuitatis ærumnâ triennio, non tam ex Reipublicæ ærario, quàm de suo lytrum numerauit. Stupebat in eo formidabatque inuictam animi fortitudinem sequioris fortunæ tolerantissimam, barbaries, & quam aliquando sibi nocituram, perniciosamque, foedifragâ conscientia iustum opinandi suggerente consilium, credidit, ad labefactandam cum vita (vt non imprudens prodidit suspicionis præsumptio) lento, seroq; toxico ad mortem subseruiuit, quam cum immortalitate (si conditio mortalitatis pateretur) donandus, in Arce sua Viazdouiensi Anno Ætatis suæ trigesimo oppetijt, funestâsse præmaturo fato Illustrissimam Domum dici potuit, nisi ejusdem erga Ecclesiam, Patriam, Domumq; Amo-



ris, ac Virtutum Heroicarum, Quatuor Filios Heredes reli-  
quisset, ex Illustrissima **TERESSIA ANNA** Comitissa  
in Teczyn Ossolonia, Magni illius, ac suauissimi Sarmatiae  
Demosthenis, & Tulij, **GEORGII** Comitissae in Teczyn Os-  
solinij, Regni Cancellarij Filia, **CAROLVM GASPA-  
RVM, GEORGIVM ALBRACHTVM, STANI-  
SLAVM CASIMIRVM, & FRANCISCVM  
BOHVSLAVM.**

Tanto se Parente natum, eximijs bellandi studijs, demon-  
strauit Illustrissimus **CAROLVS** Donhoff Venator Sira-  
diensis. Paternae Fortitudinis insistens vestigijs, iuuentu-  
tem inter arma, belli artibus innutrit in Castris Romano-  
rum Imperatoris. Vidit alienum solum in diuersa acie  
militiae illius Tyrocinia, sub famosissimis Imperatorij E-  
xercitus Ducibus, **ZVZA, & MONTECVCVLI**, ex  
quibus cum Magisteria fortitudinis accepisset, Martiam vir-  
tutem, expectatione, aetateq; maiorem honorauit. Ardu-  
um belli rudimentum, ac Fortitudinis experimentum, ob-  
jecit illi ferro detonans, imminensq; Imperio, Ottomani-  
cae potentiae tempestas, quae non tantum in castris iuuenile  
corpus grauib; sub armis, laboribus durabat, verum ani-  
mi imperterritam constantiam, ad audenda pro **DEO, &  
Patria** facinora quaecunq; roborabat. Honorauit illam  
Serenissimus Poloniae Rex **IOANNES CASIMI-  
RVS**, cum reducem Germanicae cohorti in Exercitu Pa-  
trio praefecit.

Nectuntur pulchro, quemadmodum Sanguis, ita vir-  
tutum vinculo, & in Illustrissimo **GERARDO** Donhoff  
Palatino Pomeraniae bellicae gloriae, & fortitudinis Donhof-  
fianae monumenta, quae tanquam amplissima, gloriae aeter-  
num victurae, possessio, ad Filium non obliquo tramite  
transferuntur. Te hic reuerenter memoro, Illustrissime,  
& Excellentissime **VLADISLAE** Donhoff Palatine Po-  
meraniae, vt Patrij Sanguinis ac Fortitudinis Heres, ita ad  
sublimioris dignitatis subsellium ex Virtute successor.  
Probasti Patriae, Illustrissimaeq; Tuae Familiae, nulla fortu-  
nae vice dejectam fortitudinem, ac intractabile constantis  
animi robur, cum a scientiarum disciplinis, in exteris nati-  
onibus summa cum laude pertractatis, ad Arma, bellicae  
studia, Mauortiae gloriae destinatum animum transferens,  
eain castris variarum Dux, & Imperator cohortium, plu-  
ribus annis gessisti, quae fortitudinem in periculis, pruden-  
tiam in gerendis, consilium in ambiguis, magnanimitatem  
in arduis, demum (vt absq; verborum ambagibus verita-  
tem



tem eloquar) Te ipsum expetebant, quem ad summam Fortitudinis bellicæ gloriam ille in Tua Tuæq; Domûs ornamenta cōspirans virtutû chor⁹ amavit, quem Serenissimi Poloniæ Regis IOANNIS CASIMIRI in summis Regni, solijq; nutantis discriminibus satellitem requiebat. Quid pulchrius, quid honorificentius, quàm throno, lateriq; Regio proximum non ostentationis, aut assentationis gratiâ, sed necessitate defensionis, ac securitatis, custodem assistere? Quæ in Regno potiora habuit Serenissimus Rex, vitam tot periculis circumseptam, Tuæ credidit fidelitati, quam cum domi, tum in omnibus bellicis expeditionibus expertam habuit, atq; ne inpræmiatam relinqueret, Te Succernarium Pomeraniæ creavit. Minor longè laboribus, curisque ingentibus visus fuit vt amplitudine meritorum, Serenissimo ac Inuictissimo Poloniæ Regi IOANNI III. Orientis felicissimo Victori præstitus Honor, quem vt iustus meritorum æstimator, ac arbiter intenderet, Castellanum Culmensem, paulo post Palatinum Pomeraniæ, ac Thesaurarium Prussiæ præfecit, vt tam augustis honorum accessionibus merita compensaret. Sed nihil iam intra mortalitatis conditionem reliquum est, quod Fortitudinem victrici sanguine consecratam digniùs valeret rependere, quàm vt Donhoffiano sanguini congenitam demonstraret, ad supremum vitæ momentum asseruit. Dixit sanè Demosthenes Fortitudinem Græciæ animam fuisse, quod in Heroibus non prius animo, quàm corpore spiritûs excesserit: veriùs absque assentationis nota fatebitur posteritas, Illustrissimæ DONHOFFIÆ Domûs Animam esse Fortitudinem, nullâ hostium, aut fortunæ labefactatam acie, Fingat, aut pingat mendax vetustas quæcunq; Fortitudinis portenta, suoque expergefacta puluere per omnium ætatum scenas oculum circumferat, fabulas in veritatem transisse in Illustrissima Donhoffia Domo fatebitur, dum quot Viros, tot Heroes, tot Fortitudinis portenta recensabit. Fastuosus aliquando Atheniensis ignauam carpebat Lacedæmonum indolem imaginis obiectu, quæ Lacedæmonas ab Atheniensibus cæsos, ac profligatos referebat, dicens: *Quam fortes sunt Athenienses!* cui Lacedæmon argutè reposuit: *In Tabula:* Hoc probrum venit in alios quod Fortitudinem suam mendacis famæ præconio, verborum pigmentis, aut heroicorum facinorum figmentis, laudem aucupando, intendere moliuntur, quibus responderi potest, fortes esse, sed in ore, in verborum pigmentis, aut figmentis. Nemo pictam fictamque Donhoffiæ Fortitudinis glo-



riam dicet, qui Tuo Heros Victoriosissime VLADISLAE  
Donhoff Palatine Pomeraniæ, sanguine omni pretiosiore  
purpura, Regum æquiparando trabeis, madentes ad Stri-  
gonium, adhuc calentes Fidei Zelo, campos spectauerit,  
in quibus consecrata Fortitudini Victima, melior Antaus  
ad æternitatis gloriam surrecturus cecidisti. Auro, ada-  
manteq; pretiosioria Tuæ Fortitudinis instrumenta videat,  
legatque posteritas.

## ARMAMENTARIUM.

In Victricibus Austriæ, Pannoniæque campis,  
Ad Armilustrium oculos euocauit orbis Europæi,  
Exercitus Poloni splendor.  
Hic & Illustrissima Donhoffia Domus sua aperuit Armamentaria,  
Ex quibus  
Thraciæ offensua, Christianitati defensua  
Mars Christianus promit Arma  
Primum ex Armamentario minax signum erigit pro labaro,  
Gentilis Apri Caput,  
Sub cuius auspiciis, cum res bellica prosperè geritur,  
*Vnum Caput, Aquilis, Lupis, Minotauris, & Equis Romano-  
rum præferendum.*  
*In quo & Aquilarum pugnacitas, Luporum solertia,  
Minotaurorum fortitudo, Equorum generositas eminet.*  
*Et Persarum Aquilas, Solisque, Atheniensium Noctuas, Thebanorum  
Sphynxes, Cymbrorum aneos Tauros, Cyri Gallos, Osiridis Canes, Ægy-  
ptiorumque animalia, ac monstra cohortibus præferri solita axæ-  
quat, & superat;*  
Apertis id probat Fortitudinis argumentis sub his militans Armis  
Illustrissima Domus Donhoffia.  
In compendium illa coëgit Illustrissimus Heros  
**VLADISLAVS DONHOFF**  
Palatinus Pomeraniæ  
*Qui Lorica, & galea; Clypeo, & gladio  
Belli causam anteponebat,  
Hac, ut Armis usus, pugnavit.*  
Sub ejus Gentili signo  
Illustrissimarum Familiarum foederantur per foedera matrimoni-  
alia, Arma  
Quæ gloriæ militant, & victoriæ,  
Illustrissimorum Ducum Radiuiliorum Tubæ, & Aquilæ,  
Czartorysciorum Equites Cataphracti;  
Quo-



Quorum hi propugnant; illi famæ transmittunt  
 Æternum victurum Stirpis Donhoffiæ Honorem.  
 Elucet Patrijs splendoribus, Censoriæ, Senatoriæque dignitatis  
 Romanæ insignia  
*Illustrissima Oſſolinæ, ac Opalenæ, ASCIÆ*  
*Quæ nullam rubiginē paſſæ cum hoſtilia molimina deſtruunt, extruūt famæ*  
*gloriæque victuræ monumenta.*  
 Koniecpolſciæ ſplendent SOLE Æ  
 Feruntur Leſcziniorum, ac Opaleniorum plenæ Heroicarum Virtu-  
 tum inſignibus ONERARIÆ,  
 Affulgent, Illuſtriſſimæ Daniſouiciæ cum Luna  
 Stellarumque ornamentis; Działyńſciæ,  
 & Kalinowſciæ SAGITTÆ,  
 Eminus fama, cominus fortitudine hoſtibus inſenſæ;  
*Ornant Illuſtriſſimæ Domūs Oleſnicæ ROSÆ*  
*Defendunt cum Heroe ſuo Grzymultouiæ TVRRES,*  
 Tot ſtipatus Illuſtriſſimarum Familiarum Armis  
**Illuſtriſſimus VLADISLAVS DONHOFF**  
 Palatinus Pomeraniæ,  
*Cum tot Familiarum inſignibus,*  
*Heroicarum Virtutum Legionem fulminatricem contra Ottoman-*  
*nos educens,*  
*Sumptibus proprijs auctoratam Uſariorum cohortem addit,*  
*Cuius ipſe Caput, & Cor; Arma, & Anima;*  
*Sui Capitis diſpendio, corpus exercitus defendit.*  
 Nec ita quidem illud amiſit, quod præmiſit cœlo coronandum.  
 In vno Capite multum de Armis, & Animis  
 demptum crederem, niſi ſcirem, illum  
 Fortitudinis exemplo, non tantum ad Donhoffianæ  
 Domus progeniem, at in omnes Chriſtianos exercitus, magnani-  
 mitatis  
 Cor & Spiritum transfudiſſe.

**R**Ecè per Armamentaria patet aditus ad auguſtum  
 Coronatæ Victoriæ Templum, quod in Illuſtriſſima  
 Domo DONHOFFIA magnis laborum, ac meri-  
 torum impendijs Virtutes Heroicæ fundauerunt. Impleue-  
 runt illud tum Aborigenes, tum Nepotes Illuſtriſſimi de-  
 tractis aduerſo Marti, Fortunæq; manubijs, quæ vt quon-  
 dam trophæa Miltiadis, tot habent auidos, ac æmulos bel-  
 licæ laudis Themistocles, quot per ſanguinis inclytiſſimi  
 ſtirpem, Martiæ fortitudinis exemplis ad imitanda pulchra  
 æmulatione facinora animantur. Fortitudo, indubitata  
 Mater Victoriæ, dum prudentiâ, & magnanimitatis exem-  
 E  
 plis



plis subnuitur, ad belli exoptatos fructus promouet. Hinc Historia famæ perennis alrix, decumanas prodit, non magnis admodum impendijs partas Heroinarum, ac Heroum Victorias, quibus tum aliorum exempla, ad incitamenta, tum immensa cupido laudis præiuit. Confudit ignauiam virorum muliebre Tomiridis ingenium, quæ ducenta Persarum millia vna acie tanta cæde trucidauit, vt ne quidem luctuosæ cladis reliquerit nuntium superstitem. Locrensiū quindecim millia, centum viginti Crotoniatarum millia fuderunt. Duce Milciade ad Marathonem Atheniensium decem millia, immensas centum, & decem millium Persarum strauerūt acies. Spartanorum decem millia Duce Leonida iterum effusos innumerabiles Persarum exercitus deleuerunt. Præiuerunt victoriæ prodromi, Spartanorum sexcenti, castra quingentorum millium inuadendo, & vsq; ad satietatē sœuendo, adeo, vt qui terrestres, naualesq; copias vltra decies centena peditum, equitum verò octoginta millia armatorum in expeditione ad orbis terrorem duxerat, cuiq; sexcenta millia frumenti modia diurno cibo, & tot flumina exhausta potui non suffecerint, is tanta clade cæsus, & profligatus mermi naue, per funestas corporum, armorumque strages vix euasit. Quid memorentur ingentes Græcorum, ac Romanorum Victoriæ? Hic sæpe dubiam in illum fortuna deflectit victoriam, qui minori præsumptione se futurum victorem pollicetur. Ità non omnes quos fortissimos excipit, Victores dimittit acies. Verū excesserunt antecedentium seculorum Victorias inauditæ ad Vienenfes, & Strigonienses Cannas, contra effusas orientalium tyrannorum myriadas, Polono Marte consummatæ Victoriæ, cū Stellæ in firmamento Sarmaticæ Virtutis ordinatæ, Illustrissimæ dico Familiæ contra Ottomannum Sisaram pugnauerunt. Eminent natiuis suis splendoribus Donhoffianæ Domûs illustrissimum insigne, à Romanis olim ad ingentia bella præferri solitum, publicæ saluti, & Christianitatis defensionis consecratum, **APRI** Gentile Caput. Leuauit contra illam superbiâ tumentem, regnorumque rapinis, & cladibus elatam Ottomannam Iericho **CLYPEVM** suum Serenissimus ac Felicissimus Rex **IOANNES**, Christianus **IOSVE**; cum illa in conspectu tantæ maiestatis subsistere non tolerans, mole tot victoriarum, ac spoliū prægrauante ruens, Victtricem Polonam virtutem adorauit. Aureas Persarum Aquilas, Dracones, variaq; ad auspicia belli eleuata, prælataque, in Honore, Virtuteq; superat barbararum gentium monstra, ad  
Orbis



Orbis Christiani defendendam, protegendamq; salutem, Serenissimi, ac Inuictissimi Regis Poloniae IOANNIS CLYPEVS, ad cuius eleuationem, cum omnia Illustrissimarum sub caelo Poloniae Familiarum mouerentur, & sequerentur insignia, & Tuam quemadmodum amori, ita lateri Regio propinquius sequebatur Labarum, gloriosissimis coronate Victorijs, Illustrissime VLADISLAE Donhoff Palatine Pomeraniae. Excedit hic omnem praedicandi facultatem sanguine illustrissimo Tua consecrata Victoria, quam felicitati, salutiq; Christianitatis addidisti, nec mortalium facundia coli ambit, quam aeternitas circumplexa in superum suscepit Capitolio coronandam. Solidos ad Victoriam Tibi gradus in suis substrauit exemplis Illustrissimus Genitor Tuus GERARDVS Donhoff Palatinus Pomeraniae. Dum enim ADOLPHVS GVSTAVVS Sueciae Rex totam Prussiam suae potestati, quam armorum violentia, quam praestigiosa pollicitationum fraude, subijcere summis conatibus attentaret, ac vniuersam propem iam occuparet, quae studia, quae consilia, qui labores fuerunt, ne ditiones vicinas grauius armis opprimeret; verum cum raro exemplo successus rerum illius felicitarentur, arcta obsidione incinxit Torunium, ad cuius vastitatem animos, & potentiam intendens, expertus est quid in rebus audius GERARDI posset inuicta Virtus, cuius auctoramentis ejus rejecta contemptaq; potentia Sueticis exercitibus confusionem, Torunenlibus liberationem, fortunarumq; conseruationem attulit. Remunerabatur eam Victoricem Regum fidelitatem in Torunij propugnatione expertam Serenissimus Rex IOANNES CASIMIRVS, cum post decessum ad otium vitae melioris Illustrissimi GASPARIS Donhoff Palatini Siradiensis; Reginalis Aulae Serenissimae Reginae, Coronae throniq; Consortis, LVDOVICAE MARIAE GONZAGAE Praefectum constituit. Haec Tibi Victoriae exempla stimulos acriores dederunt, Illustrissime VLADISLAE Donhoff, ad audenda in omni acie, quaecunq; fors, hostis, aut fortunae violenter obtruderet, facinora; reflexisti animum ad illam antecessorum Donhofforum magnanimitatem, quam rebelles Poloniae ingetiaq; damna inferentes Liuonibus Crucigeros, usq; ad Victoriam profligabant. Quotquot Serenissimi Poloniae Regis IOANNIS CASIMIRI numerantur de Kosacis, Tartaris, ac Moschis Victoriae, te in memoria hominum quemadmodum in laboribus, comitem, ita in triumphalibus consortem recognoscant honoribus. Magna fuisti pars Chotimensis illius Vi-



ctoria, de Thracibus reportatæ, quæ, utpote recentis iudicium, cum Te acribus armis & animis decertantem Rupuit, ad maiorem hanc cui parem securaturæ fortasse vix dare possent ætates, Victoriæ gloriam seruauit. Pretiosior est illa & ornatior, quam non tantum sudore ut in Chotimi noualibus, verum liberali sanguine decorasti.

Habet & alias inuicta Virtus Arenas, & Palæstras, Acies, & Olympia, in quibus Victoriæ comparantur. Certe generalia Regni, particularia terrarum, ac Palatinatum Comitia, spatiosum decertandi, vincendiq; Illustrissimo VLADISLAO Donhoff Palatino Pomeraniæ explicabant campum, in quo tot rationum, ac animorum dissidentium pugna, grauiorem armis, nonnunquam in ordinibus, ac Regno stragem, boniq; publici cladem intulerunt, dum priuatorum amor, & cura, commodorum, publicam Reipublicæ salutem, integritatemq; rerum, infirmat, ac labefactat. Ille hic euadit Victoriâ nobiliore coronatus, qui publica priuatis anteponens, generosa mente, inuicto Zelo, matura prudentiâ, rara dexteritate, eò rerum momenta promouet, ac moderatur, ut boni Communis integritas, aut collapsa erigatur, aut nutans stabiliatur. Et hinc tuas Illustrissime VLADISLAE Donhoff Palatine Pomeraniæ molitus Victorias, palmam reportasti, dum Cuius optimi, Patriæq; amantissimi partes explendo, tum in particularibus Prussiæ, tum in generalibus Regni Comitij, assiduus, malignorum consiliorum incentores, fraudum ad Reipublicæ damna architectos, Æquitatis, & pacis osiores, auctoritatis, ac prudentiæ prerogatiua opprimens, candida sinceritate, Regij throni, Nominisq; reuerentiam, Patriæ securitatem, Regiæq; Majestatis cultum promouebas. Summæ potestatis, quæ in Patria est, publicæq; pacis inuida, armis aureis in alios eminus, cominusq; pugnabat, & expugnabat factio, ad Te, innatâ Illustrissimæ Domui Donhoffiæ rectitudine animi, infractum ac intractabilem, Fidelitate erga Serenissimas Majestates nemini parem, & veluti adamante duratum, longèque ab omni simulati animi furore doloque positum, pertingere non præsumpsit. Pulcherrima illa Victoria, hic vicisse, ubi tot Patriæ potestatis impatientes è summo virtutis, ac fidelitatis culmine, prægrauante peregrino ære, dejecti, tam procliui, abjectoq; ad aureas, argenteasq; quisquillas, animo, pudendam magnis Nominibus, & Domibus, labem adpersere. Gloriosissima Victoriâ cuius meritum solum liberalibus præmijs, cælum poterit rependere, hic vicisse, ubi tot Procerum Patriæ, externorumq;



rumq; Principum laborabant studia, vt propendentem Serenissimæ Majestatis, ad Armorum cum Aultriaca Domo conjunctionem, animum, aliorumq; legitimè ac sanctè conspirantium reuocarent, aut deterrerent, ex qua tanta Serenissimo ac Inuictissimo Regi IOANNI III. ac Polonæ Genti parta gloria, Christianitati securitas, tot populorum Libertas, Vrbium violento raptu vsurpatarum vindicatio, Viennæ, Sedis Imperatoriæ Liberatio, Fidei splendor, Ecclesiæ vniuersali Decus; Imperij Turcarum humiliatio, tot tyrannorum Christianitatis vastitati totis viribus incumbentium ingens clades, Regibus, Principibus, ac Heroibus Christianis Felicitas, & Victoriæ, consecutæ, tantum nunc Armorum Animorumq; conjunctionis necessitatem fuisse luculentis argumentis demonstrant, quantam ex ejusdem neglectu, aut contemptu, Christiano orbi euinire potuisse supremam, nec vnquam deplorandam pernitiem fas est coniectari. Non nudum calculum, aut solo numero æstimandum adiecisti votum ad rei tantæ momentum; addebas rationum pondera, vt inclinares; hinc emergentem, prudentiæ præfago oculo penetratam recte facti gloriam, ostendisti, vt in obliquum tracta consilia, ad iustitiæ regulam desisteres; diluisti obiectas difficultates, vt metus præsumptionem tolleres; improbasti allegantium causas, vt ad tantæ, quæ subsequuta est gloriæ summam, remotis impedimentis iter ecomplanares. Infernorum credo auctoramentis, illa cudebantur consilia, quæ Christianorum coniunctionem armorum aut impediabant, aut contemnebant, vt Orientis armis, subuersis Templis, ac Aris, eliminatis Catholicæ Religionis ritibus, principes tenebrarum de Luce Fidei triumpharent. Quis negabit in Te, qui ad Serenissimi Regis obsequia præsto, Regium semper latus stipabas, & ita muniebas, vt non nisi per tuum latus Regia peti posset Maiestas, Regium quoq; in Te habitasse animum, qui in Te Regia apud alios Vota, ac desideria promoueret. Collegisti Hæresis Victor manubias, ac triumphasti, cum nondum amplexus Fidem, ea pro Fide Catholica gessisti strenuè, quæ Catholicissimum, ac Zelotissimum Fidei Catholicæ assertorem decerent. Ex hac gloriosissima Tui ipsius Victoria, quæ contemptis, ac eiuratis dogmatibus, & erroribus Hæresim triumphasti, secretum circa Te in Diuinitatis arcano consilium æstimare. Illas Heroicas Virtutes Fortitudinem, in Pauperes, ac Religiosos profusam beneficentiam, Charitatem quæ omnibus affabilis, omnibus amabilis, inferioris quoq; conditionis homines



complexus, dilectione proximi, ad Dilectionem DEI Te disponebas, subsequens gratiæ fecundam sementem fuisse, quæ Te ad Fidei lumen initiabat. Meruisti, aut potius ad Theologicæ disciplinæ crism, amussimq; dicam: congruum fuit, vt Te singulari dono in Filios Lucis per Fidem Diuina adoptaret Clementia, qui Fidei operibus arduis, & Virtutibus Heroicis vocationem ad Fidem auertisti. Sic Tui, Hæresisq; Victoriâ, Victoriâ contra hostes Fidei coronasti. Quis Tibi augustior decerni triumphus potuit, quam inter Victorem purpurati, Martyrosq; coronati populi exercitum, cuius numerum, cum tot Heroib<sup>9</sup>, qui superno dignas imperio proprio sanguine trabeas tinxerunt impleuisti. Si enim Martyrē non sola mors, sed mortis causa facit; non improbanda præsumptione, audenter pronuntiabo, Te Heros inuictissime inuidenda, (si tamen hæc passio in animos immortales Tibi triumphos gratulantes cadere potest) felicitate, in Coelis laureatum inter Victores Exercitus triumphare, qui pro DEO, Fide, Ecclesia, totiusq; Christianitatis bono, Victima proprio consecrata sanguine occubuisti. Nuntiatum fuit Xenophonti Philosopho ad Aram sacrificanti, maiorem natu filium in acie cecidisse, coronam tantum deposuit; cumq; percontanti quomodo occubuisset relatum esset, fortissimè pugnantem cecidisse, depositam capiti Coronam reposuit, Numina testatus se maiorem ex Filij virtute lætitiâ, quàm ex morte mœrorem accepisse. Incedit Honorum, ac Victoriarum insulis coronata Illustrissima Donhoffia Domus, neq; ad luctum composita, coronas ad nuntium Mortis Illustrissimi VLADISLAI Donhoff Palatini Pomeraniæ, deponit, quæ illum Victorijs coronatum gratulatur. Hinc Illustrissima Domus Victori, cum ereptis Orientis exercitui manubijs procedenti, aperit

## CAPITOLIVM.

Assurge gloriosissimæ incumbens Victoriæ,  
Victor Inuicte  
**VLADISLAE DONHOFF**  
Palatine Pomeraniæ!  
Et huius capacitatem Atrij  
Amplirudine Trophæorum imple,  
Quæ Capius, Sanguinisq; pretio comparasti.

Cogna-



Cognatum Tibi est Illustrissimæ Domui Tuæ  
Capitolium,

Quod Maiorum Tuorum Virtutibus impletum,  
Tuorum viuis meritorum adjectu cumulasti.

*Nec vanè affictam Illustrissimæ Domui appellationem puta.  
Si Capitolium ab inuento humano capite, dum templi fundamenta  
ponerentur sortitur nomen;*

Cognominem illi Illustrissimam Domum fatebitur,  
Qui in Gentilis APRI CAPITÆ, a Rege Hispaniæ,  
Aragonæ, Portugalliæ, & Castiliæ

In Insigne, ac soliorum ornamentum assumpto  
Illustrissimam Donhoffiam Domum  
Fundatam cognoscit.

*Sacrum Pantheon est,*

*In quo plures Virtutum ac Heroicorum facinorum Idææ,  
Quam facinorosorum Numinum in Romano Capitolio Idola.*

Hic Tibi perennem fama decreuit honorem,  
Vbi ad inuidiam Capitolini templi, Imaginibus, ac operibus magni-  
ficis exornati,

Inuictæ Fortitudinis, & Victoriæ opera, trophæa, & exempla non  
ficta, aut picta, sed facta collocasti.

*Institutos solennes Ludos, obseruatum Iouis Capitolium, decretos*

*Superant Tuæ in Martis, an Mortis Ludo Victoriæ,*

*Quâ insolentibus ac insultantibus illudens hostibus,*

*Ad æuternam Tuam Tuæq; Domui gloriâ prolusisti.*

Vix vnquam Mors, & Mars, sine luctibus,

Hic cum triumpho,

Qui Victrici, triumphaliq; Pæane resonans,

In Illustrissima Domo

Nec conducit Præficas, nec admittit.

*Securus gloriæ*

*Immortalitatem intuto collocans*

*Non habet periculum quod fortuna reuoluat in Caput,*

*Quod hostis abstulit.*

*Qui coaceruans Capita, acephalum sine consilijs credidit exercitum;*

*Verum tanti Herois relicta Victoriarum exempla,*

*Vincendi superauere consilia.*

Ergo

In hoc Capitolio non Ioui, aut Marti, Bellonæq;

Sed Exercituum Domino sacra persolue,

Viues hic in gloria,

Quem Medæâ melior, veriùs quàm Æsones, thaumaturga virtute,

Mortuum, vt æternum viuat

Suscitabit Historia.



**V**irtus augusta Gloriæ Mater, quæ Illustrissimam Donhoffiam Domum, vtpote amplissimum Capitolium, trophæis impleuit, tam pulchram sobolem æternum victuram in Illustrissimis Nepotibus per ætatum lapsus transmittit. Neq; enim vllum tam proiectæ in ignauiam mentis, partæ tantummodo à Maioribus famæ incumbentem successorem habet, quem non

*Fax mentis honestæ*

*Gloria*

non tantum ad conseruandam, verum illustrioribus virtutum facinoribus augendam recte factorum æstimationem non vrgeat. Amplissimum illi Hispaniæ, Aragoniæ, Portugalliæ, Castiliæq; Regna concessere campum, quæ ad Franconiæ, quoq; occupandas Ducales Mitras sese exonerans, per summa in Liuania dignitatum subsellia, bellicæque fortitudinis merita, ad Serenissimi Poloniæ Regis SIGISMVNDI AVGVSTI fauores, ac intimos amores ascendit. Suspiciebat, Donhoffiana merita æquis Priuilegijs Legibusq; cum Lithuania sibi contermina, munita Liuania, in sui per illorum studia, Zelumq; ad Christianæ Fidei lucem, è tenebris paganismi reducta, quam licet infensis armis premerent, arctarentq; Suecorum exercitus, virtuti Donhoffiæ, gloriæq; metas definire non potuerunt, quæ amplitudine sua Regna, & Prouincias impleuit. Excepit illam varijs Virtutum trophæis illustrem in gremium Polonia, venerataq; in Donhoffijs constantiam, quâ, etiam relictis in Liuania amplissimis possessionibus, fortunisq; iniquis vsurpatoribus Prouinciæ adhærere prohibebantur, liberalissimis Diplomatis ornauit, vt cum solis in Polonia, Lithuania, Prussiaq; Indigenis ad capeflendos dignitatum, Honorumq; Fasces est facultas, DONHOFFIÆ Virtutis merito id concessum à Republica, ac Serenissimis Poloniæ Regibus, vt quâ latè suis Polonia, Lithuania, Prussiaq; finibus protèditur, Donhoffiæ Virtuti capeflendis, per indultas Libertates, Priuilegia, ac Prærogatiuas, Dignitatibus, ac Honoribus theatrum pateret. Æquis virtutum passibus in persequenda Heroicis Virtutibus gloria, Maiores consecantur Illustrissimi Successores, quotquot à Serenissimo Poloniæ Rege SIGISMVNDI III. ad nunc felicissimè regnantem Orthodoxum, Turcarum Victorem, Terrorem Orientis Serenissimum Poloniæ Regem IOANNEM III. descendunt. Cumulârunt huius Gloriæ ornamenta, cum Illustrissimis, & principibus in Prussia, Lithuania, Poloniaq; Familijs, cognationes, per Matrimonia-



monialia fœdera contractæ in Illustrissimo STANISLAO Donhoff Vielunensi & Radomscienſi Præfecto, qui cum Illustriſſima ANNA Ducſſa Radiuilia, ALEXANDRI Ducis Radiuiliſſi Mareschalci M. D. L. Filia, ad Donhoffiæ Domûs ſplendorem Ducales Mitras, Regales, Aquilas, æternæq; gloriæ per orbem decantandæ Tubas induxit. Adauxit Illustriſſimæ Domûs Decora Illustriſſimus ERNESTVS Donhoff Caſtellanus Vilnenſis Exercitûs Germanici in Polonia Generalis, in Illustriſſima Conforte ZOFIA, ex Illustriſſima Ducſſa Czartoryska genita, vltima Oleſniciorum Familiæ Herede, Eminentiſſimi ZBI GNEI Oleſnicki S. R. E. Cardinalis, Cœnobij Noſtri in Pinczow Fundatoris Nepte, cum qua æternam ſpirantes gloriæ famam, Gentiles ROSAS, Ducalis inuexit EQVES. Adjecit ad pleniorẽ Domus Donhoffiæ Gloriam Honorum acceſſiones. Illustriſſimus, ac Reuerendiſſimus ALEXANDER Donhoff Abbas Andreouienſis, in quo regiam Donhoffiorum Sereniſſimus Poloniæ Rex SIGISMVNDVS III. veneratus indolem, & ſanguinem, leuando è ſacro Baptiſmatis latice, Regias, quibus Polonum Orbem ſuſtentabat, ſubiecit manus, tanquam ad conſummandæ Donhoffianæ gloriæ augem id vnum deſiderari videretur, vt Regum, Principumq; Sanguis, qui in ſolijs ſub Regum Coronis, Principumq; Ducalibus Mitris natus, adoleuerat, in Heredibus dignus fuerit in Regum gremijs, manibus, & amoribus reclinari. Intendit gloriæ Honoribus aut contemptis, aut aſſumptis. Oblatam ab INNOCENTIO P. M. *Clericatus Camera* dignitatem; decretas Episcopatus Kamienecenſis, & Luceorienſis Infulas, & Regni Secretariatum, heroica reſuſcitauit humilitate. Legatione à Sereniſſimo Rege CASIMIRO, ad FERDINANDVM III. Romanorum Imperatorem deſunctus, ſummam apud externos prudentiæ laudem promeritus, Foundationibus varijs, ac in Religioſos, egenosq; profuſâ liberalitate, æternam, nec temporum, inuidiæq; iniurijs obnoxiam ſolers immortalitatis Candidatus, gloriæ aucupabat. Ità non tantum in ſecularis dignitatis, Senatu, ſed in Eccleſiaſtica eminentiæ ſubſellio, ad promouendam gloriæ Illustriſſimæ Donhoffiæ Domûs ſtudia adlaborant. Explicati hanc ob orbis Poloni oculos emeritæ Virtutis gloriæ, Illustriſſime ac Reuerendiſſime GEORGI ALBRACHTE Donhoff, Abbas Vitouienſis, Canonice Cracouienſis, Præpoſite Petricouienſis, in vtrâq; Republica; ad cuius emolumenta, ac ornamenta vt Tereſtè formaret eruditio, poſt nauatam



disciplinis mitioribus in Collegio Rauensi Soc. IESV, operam, in Vrbe mundi Principe Roma consumato Cursus Theologici summa cum laude studio, ac limatissimi ingenij cui nihil in arcanis Theologiae arduum fuit, nihil imperium dotibus ostendisti, Illustrissimam Donhoffiam Domum, & ex Martis, & Scientiarum, campo lectorum trophaeorum, capacem ac laurearum. Publico Ecclesiae Patriaeq; bono fatis melioribus decretum Te Illustrium Virorum ad Sacerdotij dignitatem initiarunt obsequia. Amavit in Te animum Ecclesiae deditissimum Illustrissimus ac Reuerendissimus FLORIANVS CASIMIRVS Dux in Kiewan Czartoryski, tunc Episcopus Vladislauensis, post Regni Primas, Primusq; Princeps, & Minoribus initiavit Ordinibus; gratulabatur Ecclesiae profuturam Tuam indolem Illustrissimus ac Reuerendissimus ANDREAS Olzowski Episcopus Culmenensis, post Regni Primas primusq; Princeps, qui Te Subdiaconos inter adoptauit; Suspiciebat maturam, curarumq; pro Ecclesiae bono, grauium capacem industriam, Illustrissimus ac Reuerendissimus CHRISTOPHORVS Zegocki Episcopus Chelmensis, qui Diaconatum contulit; Coluit in Te Virtutes absolutas, quas Ecclesiasticum statum ornaturas exemplis illustrioribus, praeuidit, Illustrissimus, ac Reuerendissimus STEPHANVS Wierzbowski Episcopus Poseniensis, qui Te ad Sacerdotium Regale Sacro perunxit ceromate. Illustrasti Serenissimi Poloniae Regis MICHAELIS I. eximijs virtutibus Aulam, ubi temperatissimis moribus, modestiae, ac affabilitatis gratia, ad Tui obseruantiam coegisti; utque formandis, & informandis virtutibus Clerus Poseniensis haberet, Te veluti Regulam, normamq; vitae Ecclesiasticae, in sublimiori collocauit subsellio Wierzbouius, Canonicum Poseniensem, mox & Custodem illius Cathedrae creando. Praelatum Te non putabas, nisi magnis passibus, & exemplis, virtutum, omnibus antea, & in iuuentute, senile cor gerens, & animum, ea proponeres Ecclesiasticae perfectionis insignia, quae & veteranos in dignitatis, & virtutis fastigio sublimatos, ad imitationem prouocarent. Quid inde mirum, quod Te Illustrissimus ac Reuerendissimus ANDREAS Olzowski, à Serenissimo Orthodoxo Poloniae Rege IOANNES III. Archiepiscopalibus Infulis admotus, Aulae suae, laterisq; socium, dulcissimum conuersationis solatium, & exemplum expetebat? Adhaesisti lateri Pontificis, qui modestiam ac Temperantiam, quam in Te coluit, non erubuit imitari. Laudauit coram Serenissimis Maestatis, Virisq;



risq; Principibus maturam prudentiam, ac iudicium ad gra-  
uiora discernenda, decernendaq; negotia sublimē; com-  
mendauit rerum experientiam, Legumq; scientiam, summā  
continuaq; librorum, lurium Ecclesiasticorum, ac Historia-  
rum lectione, ac euolutione comparatam, admirabatur in-  
gentes animos, ad audenda quæque, aggrediendaq; pro Ec-  
clesia Patriaq; ardua momenta. Probauit in frequentioribus  
Concionibus non nudam, verborumq; phaleris tantum spe-  
ciosam, sed honoris Diuini, proximorumq; salutis, anima-  
tam Zelo facundiam; tantas dotes, Virtutesque, vt in Te  
coronarent Serenissimi Regis IOANNIS III. affectus,  
Abbatiae Vitouienſis inſulam contulerunt. Expetebant  
Principalis in Polonia Cathedra Cracouiensis Vota, Tuam  
ad Cracouiensem Canoniatum institutionem; quapro-  
pter Ecclesiae, communisq; boni propudus Illustrissimus ac  
Reuerendissimus ANDREAS Trzebicki Episcopus Cra-  
couiensis, Dux Seueriae, Te in Collegium Canoniorum Ca-  
thedralis Cracouiensis Ecclesiae cooptauit, vt illis ad imita-  
tionem Virtutum exemplis Princeps non priuaretur Cathe-  
dra, quibus inferiora aliarum dignitatum subsellia decora-  
sti. Rependisti Illustrissimo Principi honoris collati gra-  
tiam, cum e suggestu amplissimas illius Pontificales Virtu-  
tes, & magna erga Ecclesiam, Patriamq; merita, pari tanti  
Principis honoribus, eloquentiae apparatu, sacratior Polo-  
niae Demosthenes, in Funerbris pompae frequentia dilau-  
dasti. Gallicum credebant e cineribus expergefatum  
Herculem, cum veluti torquibus victi, toto vultu, ac ani-  
mo a Te pendebant. Iterum, atq; iterum, tum ex Posna-  
nienſi, tum ex Cracouiensi Capitulo, ad Regni Tribunal  
Deputatus Iudex, quā laude, quā æquitatis lance, grauiora  
causarum momenta ponderabas, ipsa negotiorum eò de-  
uolutorum, mille, & mille difficultatibus intricata moles,  
Tuo expedita iudicio testatur. Audendis, agendisq; re-  
bus arduis cum perspectam habuisset magnanimitatem Tuā  
Serenissimus Poloniae Rex Orthodoxus IOANNES III.  
ad promouenda Reipublicae, Patriaq; negotia, ad terrestria  
Siradiae Comitia his Ablegatum misit. Ad Generalem  
Prussiae Conuentum Margieburgum, expeditus, eā dexte-  
ritate, maturitate, prudentia, Serenissimi Regis, Patriaq;  
voto, res ad fortunatos exitus deduxisti, quam rei, Regniq;  
necessitas exigebat. Discet, noscetque posteritas, illam  
Donhoffiae Domus gloriam, ad quam Te Virtutum Tuarum  
Comitia suffragijs promouent, in altioribus Honorum,  
ac Dignitatum subsellijs collocandum. Huc ad vberio-



rem gloriæ adorem protendit labores & studia sua Illustrissimus, ac Reuerendissimus IOANNES CASIMIRVS Donhoff, *Mogilensis* Abbas, in quo honorata Donhoffiana elucet prudentia, quod illum ad Sanctissimum D. N. INNOCENTIVM XI. Legatum miserit Serenissimus Poloniae Orthodoxus Rex IOANNES III. vt suo nomine cælis ad Viennam, summâ Victoria Turcarum Castris, ereptum, in testimonium, quod pro DEO pugnaret, & Ecclesia, triumphale Vexillum præsentaret.

Et ex Ossolinia Illustrissima Domo Donhoffianæ Gloriæ Templum exornant ASCIÆ, per Illustrissimum SIGISMVNDVM Donhoff Bydgostensem Sokalensem, Boleslauiensem, Boguslauiensem, Laiscensem Capitaneum, inductæ, dum sibi Illustrissimam TERESSIAM ANNAM Comitissam in Tenczyn Ossoliniam, Magni illius GEORGII Comitis in Tenczyn Ossolinij, quem, à Serenissimo Poloniae Rege VLADISLAO, Ablegatum, vt Vaslemburgius in Floro Germanico testatur: *Anglia suspexit, Roma admirata est Venetiæ laudauerunt, Germania venerabatur*, Filiam sacro Matrimoniali foedere copulauit. Huc coeunt Illustrissimi Genitoris illius ornamenta, & Gloriæ decora quæ viuunt, viuentq; in seræ posteritatis memoria. Fulget Ebena argenta Altaris moles in Mariana Clari Montis Czeſtochouiensis Basilica, quam Ossolinia struxit, poliuitq; ASCIA. Pietatis, & Eruditionis Palæstra, Collegium Soc. IESV Bydgoscij erectum hæc Magni Cancellarij Regni ædificarunt Arma, his & Regia Klimuntouiensis Basilica suam debet originem. Magna hæc Armamenta gloriæ secum in Donhoffiam intulit Domum Illustrissima TERESSIA ANNA Comitissa in Tenczyn Ossolinia, ad cuius quoq; sublimiora pertinet ornamenta Mater Illustrissima ISABELLA Daniſouicia, Illustrissimæ, ac felicissimæ illius Lacanarum Matrum, TERESSIÆ Daniſouiciæ, Serenissimi Poloniae Regis Orthodoxi IOANNIS III. Matris, Patruælis augusta Soror. Traxit ad Illustrissimæ ornamenta prosapiæ aliarum Familiarum claritudinem, Illustrissimi GASPARIS Donhoff Palatini Siradiensis, ex Illustrissima ALEXANDRA Konięcпольska progenita, Tua Illustrissime SIGISMVNDE Donhoff Bydgostensis, Sokalensis, Boleslauiensis, Boguslauiensis, Laiscensis Capitaneæ Germana Soror ANNA, Illustrissimo BOHVSLAO Lesczynski Thesaurario primum, Vicecancellario deinde Regni in Matrimonium elocata, secunda Illustrissimorum Virorum BOGVSLAI Lesczyn-



Lesczynski Abbatis in Czerwiensko, R A P H A E L I S  
 Lesczynski Regni Vexilliferi, & Magnarum Virtutum He-  
 roinæ A L E X A N D R Æ Grzymułtouiæ, moderni Palati-  
 ni Posnaniensis Consortis, jam visâ functæ Mater, fecitque  
 tam splendidis iuncta, Magnisq; Familijs, vt frustra quis-  
 quam ultra de Donhoffiorum quærat Maioribus, qui se per  
 cognationes Illustrissimis insinuando Domibus, Maximis  
 æquauerunt. Viuit superstes Tuæ generosæ mentis spiri-  
 tu Illustrissima proles Tua, Illustrissimus F R A N C I-  
 S C V S B O G V S L A V S Donhoff Ensifer Lanciciensis,  
 qui in Aula Serenissimi Regis Poloniæ CASIMIRI Re-  
 gijsmoribus est innutritus, & amoribus, quos vt obsequijs  
 Serenissimo Regi rependeret, post Abdicationem Regni  
 Comes illius in Gallias, Parisijs vsq; ad Principis mortem il-  
 libatæ fidelitatis, & gratitudinis dans exemplum, perdura-  
 uit. Atq; vt redux in Nepotibus in seram posteritatem  
 Donhoffiam propaginem transfunderet, H E D V I G E M  
 Lipska, Capitanei Rauensis, genitam ex Lanckoronia Fili-  
 am, primo Voto duxit; quâ Virtutibus vitaq; functâ, ad  
 secundas assumpsit Nuptias E V P H R O S I N A M Mie-  
 cielska, Capitanei Kolensis Filiam, vnus, Magnarum ex-  
 pectationum, heredis, Filij Nicolai Parens, vel in Filio Ger-  
 mani Fratris immaturo decedentis fato S T A N I S L A I  
 C A S I M I R I, Illustrissimæ Domui facta dispendia com-  
 pensaturus. Seruiuit ampliandæ Donhoffianæ Gloriæ Illu-  
 strissimus T H E O D O R V S Donhoff Regni Succamera-  
 rius, cuius manibus non ita pridem Illustrissima Domus pa-  
 rentauit. Nec tamen totus decessisse creditur, qui in Filijs  
 tam I O A N N E C A S I M I R O Donhoff Abbate Mogi-  
 lensi, tum in F R A N C I S C O Donhoff Capitaneo Visli-  
 censi perennat. Non otiosum se ille Maiorum gloriæ pos-  
 sessorem ostendit; ad cuius augmenta, cum Serenissimo  
 Poloniæ Rege I O A N N E III. in Castris ad Viennam con-  
 tra effusam Orientis colluuiem strenuè decertauit. Acces-  
 runt per fœdera Connubialia, ampliora Donhoffiæ Domûs  
 Ornamenta, cum eiusdem Capitanei Vislicensis Sorores,  
 vna Illustrissimo Lubomirscio Regni Mareschalco; altera  
 Illustrissimo Katski Castellano Leopoliensi, in Matrimo-  
 nium sunt elocata. Nec Tuam in hac Domo Illustrissima  
 oblitterabit memoriam edax tempus, aut obliuio Illustrissi-  
 mæ C H R I S T O P H O R E Donhoff Castellane Vite-  
 pscensis, qui rectè factorum gloriam adijcis; nec Tua rui-  
 nam sepulchralem laus passa est Illustrissime I O A N N E S  
 Donhoff Capitaneæ Starogardens, qui vt post fata super-



stes viueres, vitam meliorem in virtutum meritis quæsi-  
sti. Latere non possunt Polonum Orbem, vicinasq; Provin-  
cias, quæ in gremio Clari Montis explicantur Donhoffia  
gloriæ Decora, in amplissimo regijs sumptibus erecto ex  
Marmore sacello, quod Magnificentia sua toti Claromon-  
tanæ Basilicæ maiestatem auget. Hic Donhoffiæ Libe-  
ralitatis, & animi erga Sacra, propensissimi pa-  
ter amphitheatrum, in quo ad DEI, Diuorumq; cultum  
ampliandum, ad animarum in pœnalibus claustris detenta-  
rum suffragia, ad ornatum solennem Basilicæ Marianæ, au-  
ro argentoq; intertexta, quæ sæpius attonitos, aliarum na-  
tionum Principes, Donhoffianam in sacrorum cultum pro-  
fusam liberalitatem admirantes, tenebant, aula, magnani-  
mitatem ac Religionem testantur. Ex eiusdem animi,  
loco Sacro deditissimi, liberalitate, fulminatricibus æneis  
machinis, seu tormentis, aucta Mariana Clari Montis Ar-  
mamentaria, palam ostendunt Donhoffiam Domum Illu-  
strissimam tum ad Ornamentum, tum ad munimentum  
Claromontanæ Marianæ Arcis adlaborasse.

Reuocas ad Tui memoriam, honoremq; vesticalem  
pennam Illustrissime VLADISLAE Donhoff Palatine  
Pomeraniæ. Signasti sanguine arduis pactam certaminibus  
gloriam, quam antehac ex Maioribus acceptam Virtutibus  
cumulasti. An non illustres ex familiarum cognationibus  
explicat memorias, gloriamq; reuelat Illustrissimus Geni-  
tor Tuus GERHARDVS Donhoff Palatinus Pomer-  
aniæ? Inuexit Illustrissimæ Donhoffianæ Domui OPAL-  
ENIAM plenam dignitatum fascibus, Honorum Infulis,  
meritorum prouentibus ONERARIAM cum Illustris-  
sima Opalenia consorte, Illustrissimorum, Palatini Bresten-  
sis, Episcopi Culmensis, & Palatini Lancienensis, Patris ger-  
manam Sororem, ex qua Filias, CONSTANTIAM  
Illustrissimo Palatino Culmensi, post Illustrissimo IGNA-  
TIO Bakowski Palatino Marieburgensi nuptam, & CÆ-  
CILIAM, Illustrissimo Comiti VIER, Palatino Marge-  
burgensi elocatam, suscepit. Et Ducales Ducum Bregen-  
sium Mitræ ad ornamenta cumulantur, in SIBILLA, Fi-  
lia GEORGI FRIDERICI Ducis Bregenensis, cuius  
Mater, Illustrissimi IOACHIMI Ducis Brandeburgensis  
in Prussia, Filia, recensetur. Ad summas olim in Polonia  
Regno potestates suam referunt Duces Bregenses originem,  
qui lineâ rectâ à PIASTO Primo Poloniae Principe, ex quo  
tot Serenissimi Reges Poloniae, usq; ad CASIMIRVM  
numerantur, descendunt suum gloriæ, honorisq; transfert  
patrimo-



patrimonium & illa Inclytissima, ac Sanctissima Piaſtis,  
 Biegeſis, & Legnicenſis Ducissa HEDVIGIS Prin-  
 ceſs Poloniæ. Ab his Sanctorum, Regum Principumque  
 cunabulis Diuinum Numen, Fortunaq; dederunt Matrem  
 Illuſtriſſimo VLADISLAO Donhoff Palatino Pomer-  
 aniæ, qui per Duces Principesq; ad ſe deuolutam gloriæ  
 hereditatem, ſuæ Virtutis prouentibus cumulauit. Quæ  
 ab Illuſtriſſimis Parentibus accepit decora, auxit ſplendi-  
 diſſimis Matrimonij foederibus, in vitæ Conſortium aſ-  
 ſumptâ CONSTANTIA Szuſzczanka, Illuſtriſſimi BO-  
 GVSLAI Szuſzka Theſaurarij M. D. L. Filia, Illuſtriſſimi  
 IOSEPHI Szuſzka Mareſchalci Curia M. D. L. & Illuſtriſ-  
 ſimi DOMINICI Szuſzka Capitanei Rzeczyceſis So-  
 rore, cuius Illuſtriſſima Parens ANNA Potocka, primûm  
 Kazanoui in Matrimonium elocata, Illuſtriſſimi STA-  
 NISLAI in labonow labonowski Terrarum Ruſſiæ Pa-  
 latini, Generalis Exercituum Regni Ducis, Illuſtriſſimam  
 Conſortem MARIAM ANNAM genuit; poſt ad ſe-  
 cundas ab Illuſtriſſimo Theſaurario M. D. L. Nuptias expe-  
 titâ, parem Illuſtriſſimæ Donhoffiæ Domui Heroinam edi-  
 dit, generis claritudinem, quam à MARIA Mohilanka  
 Valachiæ Ducissa, Illuſtriſſimis Ducibus Viſniowiecijs, ac  
 Radiuilijs per ſanguinis colligationem foederata deriuat, in  
 Filiam, vt Honoris vberrimum patrimonium tranſferendo.  
 Reſpectit ad illam ſplendorem proſapiæ & Illuſtriſſimus Pa-  
 latinus Kijouiæ Stanisławſcius, qui Illuſtriſſimam Heroinæ  
 ANNAM Potocka tertio voto ſibi copulans, ornamenta  
 in plenam Honoribus Domum inferens, maiorem Virtutis,  
 & Gloriæ cognatis ſibi Familijs æſtimationem comparauit.  
 Tot inter Illuſtriſſimarum Familiarum, quæ Te circum-  
 ſtant, ornamenta, illuſtrior ac ornatior effulges, in pleno  
 gloriæ meridie, quem Tibi peperit Oriens Illuſtriſſime  
 VLADISLAE Donhoff Palatine Pomeraniæ. Non eges  
 ſumofis Maiorum Imaginibus, ad oſtentationem Gloriæ,  
 quæ cum ad mundi lucet oculum, facilè vmbras patitur, &  
 tenebris mortalitatis inuoluta interit. At Te Heros Illu-  
 ſtriſſime, ac Inuictiſſime, VLADISLAE Donhoff Pala-  
 tine Pomeraniæ, cum Immortalitatis, beatæ gremium exci-  
 pit, & Solium, fruere æternis Fortitudinis Tuæ muneribus,  
 & virtutum fructibus; non Te ſepulchralis ruina, lapisque  
 premit, quem generis celſitudo, ad æternæ felicitatis faſti-  
 gium, nulli obnoxium inclementi fato, ſublimauit. Viue  
 vitam, quæ nihil debet tempori, quam vitæ ſanguiniſque  
 diſpendio comparâſti. Cum ergo linguis & animis, in



his parentalibus obsequijs, vniuersi Tibi æternum **VIVAT**  
imprecantur, mandamus, & Famæ æternum victura per  
orbem ferenda, Illustrissimæ Donhoffiæ Domui debita,  
deditaque.

## S Y N T H E M A T A.

Audi, & Aude Fama, Soror Victoriæ,  
Donhoffiæ Ancilla Gloriæ  
Obsequium exhibe, & Officium.

Triumphales Coronas assume, non lugubres virtas,  
*Nam hic actus ferales non admittit Cupressos,*  
*Qui palmas stipatur, & Laureis.*

Vt posteritatis implendo Liuri Solentium indicas,  
Buccinas emeritæ Victoriæ laudibus, & tubas imple  
*Ne discrepes,*

*Ad Virtutum, Morum, & Honorum, harmoniam attende*  
Illustrissimi & Excellentissimi Domini

**D. VLADISLAI DONHOFF**

Palatini Pomeraniæ,

Inclutissimi Herois, & Inuictissimi

*Cui Vienenfes Cannæ cum dedissent Victoriā,*

*Strigonienses Victoriæ præmium æternos concessere triumphos*

Hic cecidit robustissimus Anteus,

Sed à lapsu terræq; attractu fortior

Melioris sui parte adeo assurrexit sublimis, vt ad cælum pertigerit.

*Ignauo plebis ingenio suus sufficit angulus:*

*Cum Heroicæ Virtuti vix orbis, cælum petit.*

Alas tibi addit & talaria Virtus,

Cuius ferendo per orbem gloriam

Triumphalibus Victoriæ animata plausibus,

Prohibe Lessum, & Næcias.

*Themata babes Laudum, & Synthemata*

*Eadem Illustrissimo Heroi*

*Quæ in Martis campo, & in Mortis acie fuerunt.*

In Syllæ, Brutiq; castris militares fuerunt tesserae, **APOLLO;**

In Cyri **IUPITER BELLI SOCIVS & DVX,**

Quasi Apollini Iouiq; pugnascent,

Hic Illustrissimæ Domui cognatum synthema sonat

**P R O D E O!**



In Caesaris exercitu VENVS GENITRIX inuocabatur auxili-  
um datura in acie, & consilium, quæ Æneæ suo arma ministravit,  
hîc melior Mater Christianorum asseritur, & assumitur.

## PRO FIDE!

Neroni inter armatorum ceteruas, & pugnantium, OPTIMA  
MATER memorabatur,

Vt quæ in vitam fudit, aut Dea vitam seruauit,

Sospitatem præstaret & in acie,

Hîc Christianorum Optima Mater, pro qua sumebantur arma  
in tesseram assumpta sonabat:

## PRO ECCLESIA!

Pompeius Magnus HERCVLEM INVICTVM Adstitem,  
& Adiutorem,

Cuius honoris causâ cum assumpsisset Nomen,  
& Virtutem in Martio campo optabat,

Hîc

Pro Sarmatiæ Hercule, bono totius Orbis Christiani nato,  
Serenissimo Poloniæ Orthodoxo Rege IOANNE III:

Honoris, & Securitatis causâ stipando, ac tuendo  
Donhoffiæ cohortis, contra Turcarum castra pugnantis,  
personabat Tessera:

## PRO PRINCIPLE!

Pompeij Iuuenis Militaribus copijs in tesseram data PIETAS,  
Virtutem, Religionem, & Pietatem à castris excludi non  
debere docuit;

Hîc

Religini auctorata cum Illustrissimo Duce, proprijs impendijs edu-  
cta, & Religioni consecrata phalanx,

Et inter horrida arma Pietatem, Virtutemq; colens  
Religioni propugnandæ votum adiicit:

## PRO RELIGIONE!

Inter Antonij arma domorum Præses inuocabatur LAR DEVS,  
Qui Domos patrias seruaret ab hostibus,  
Et pro Domibus pugnantes adiuuaret;

Hîc

Amantissimus Patriæ Cuius veluti si Patrias propugnaret res,  
& Honores animat bellatores synthemate.

## PRO PATRIA!

Demetrius Poliorcetes IOVEM, & VICTORIAM  
Pro Tessera castris dedit,



Quasi pro Iouis honore exoptaret Victoriā, & inuocaret;  
Hic

Intaminata Fides, & Religio culta  
Cum Tempa, & Aras habeat,  
Ad illarum defensionem animat:

**P R O A R I S!**

Pertinax, ne torpore ignauiae, caderet animo, & corpore exercitus,  
Animam, & Spiritum pugnaturis ingerebat: **MILITEMVS;**  
Hic

Pro alienis excubando fortunis, & focis,  
Et suis infestos profligando fortunis hostes,  
Incitamenta militandi ministrantur

**P R O F O C I S!**

Seuerus Septimius, insinuata hâc tessera **LABOREMVS;**  
A sterili, quo tempus, & animi, corporisq; vigor absumitur.  
deterrebat otio;

Hic,

Cum Soror est Laboris gloria, vt spinæ rosa,  
Ad Bellici Laboris præmium, & Honorem,  
Apud Superos victurum, & posteros

Vrgentur :

**P R O G L O R I A!**

D. Cæsar **FELICITATEM**, quandoq; & **VICTORIAM**,  
Dubiam belli aleam, ac statum ancipitem,  
Per arcanam tantorum Nominum, & Numinū in castris inuocationem;  
Ad felices & victoriosos successus,  
inclinabat;

Hic

In acri contra orientis Titanas prælio,  
Illam felicitatem, quæ æterna est, spectando,  
Cum cætera caduca, & infelicia sint, quæ ad æternitatem  
Virtus non exonerat,

Felicissimas Victorias æternitati consecrando,  
Hoc animo voluebat, volebantq; synthema :

**P R O Æ T E R N I T A T E!**

Hæc foue, & faue Fama!

Illustrissimus Heros, & felicissimus.

**VLADISLAVS DONHOFF**

Qui iam Deo, in Deo viuit,  
Suos Tibi vt Viuas infudit Spiritus!



Tibi pennam in Tubam dabo;  
Quæ in legentium oculis, quàm audientium auribus  
Donhoffiam gloriam perennius victuram promouebit.

At Tu Illustrissime

**VLADISLAE DONHOFF**

Palatine Pomeraniæ,

Qui post inductam Ottomanicæ Lunæ caliginem,  
Ex mortis vmbra, in lucem æternam emeristi,  
Et in Claromontanæ Claritudinis meridie  
Mortalitatis deponens exuias,

**Filium Lucis**

Te demonstras,

Post horridæ mortis noctem

Æternitatis beatæ felix Diem viue;

Quem Tibi

Serenissimarum Poloniæ Maiestatum amores; Illustrissimorum ac  
Reuerendissimorum Principum, Archiepiscoporum, aliorum Ponti-  
ficum, Prælatorumq; suffragia; Illustrissimorum Principum, Senato-  
rum, Belli Imperatorum, Ducum, & Exercituum fauores; Coniuga-  
les Illustrissimæ Consortis ANNÆ Słuzczanka Palatinæ Pomer-  
niæ affectus; Illustrissimæ totius DONHOFFIÆ Domûs Here-  
dum, ac Illustrissimarum cognationum vinculis colligatarum studia  
Familiarum; Omnium Ordinum, Amicorum, ac subditorum Vota;  
exoptant. Demum & nos quotquot parentalibus assistimus  
honoribus; idem omnes imprecamur,

Ex hoc Monte

Olim Tecum in Vallem Iosaphat  
Descensuri.





VERA DISCIPULUS







51010018766

Biblioteka Jagiellońska



